



Na osnovu Zaključka o usvajanju Programa utroška budžetskih sredstava u 2018.godini (Subvencije privatnim preduzećima i poduzetnicima), broj: 02-14-4732/18 od 19.03.2018.godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu, raspisuje

JAVNI POZIV

za prikupljanje zahtjeva za odobravanje i dodjelu finansijskih sredstava namjenjenih subvencioniranju administrativnih troškova kod pokretanja poslovnih ideja i registracije privrednih subjekata - samo za korisnike koji su prošle godine koristili prvu godinu poticaja “trošakovi doprinosa za uposlenika privrednog sistema”

1. Pozivaju se potencijalni korisnici-poduzetnici, koji su prošle godine koristili prvu godinu poticaja “trošakovi doprinosa za uposlenika privrednog sistema”, da podnesu Zahtjev za odobravanje i dodjelu nepovratnih finansijskih sredstava obezbijeđenih za subvencioniranje dijela administrativnih troškova kod isplate i doprinosa za direktora registrovanog privrednog subjekta.

2. Pod ukupnim doprinosima iz plaće, u duhu ovog poticaja, podrazumijevaju se doprinosi za penziona- invalidsko osiguranje i zdravstvenu zaštitu, koji se odnose na prosječnu bruto plaću u Zeničko-dobojskom kantonu za prethodnu godinu.

3. Vlada Kantona preuzima finansiranje za:

Trošak doprinosa za uposlenika privrednog sistema u toku prve tri godine uspješnog poslovanja.

4. Pravo na uplatu ukupnih doprinosa iz plaće imaju direktori prethodno registrovanih privrednih subjekata, na kraju poslovne godine uz dokaz o urednom poslovanju za prethodnu godinu.

Uz Zahtjev za subvencioniranje troškova direktor registrovanog privrednog subjekta dostavlja sljedeće priloge:

- Original ili ovjerenu kopiju Bilansa stanja i Bilansa uspjeha za prethodnu godinu,
- Original ili ovjerenu kopiju dokaza o uredno izmirenim doprinosima,
- Original ili ovjerenu kopiju uvjerenja o uredno izmirenim javnim prihodima za prethodnu godinu.
- Uvjerenje komercijalne banke da je žiro račun privrednog subjekta aktivan, ne starije od 3 (tri) mjeseca u odnosu na dan podnošenja zahtjeva,

5. Po uredno prispjelom Zahtjevu, ocjenu i mišljenje dat će Komisija Ministarstva za privredu u svom Izvještaju, koji dostavlja ministru Ministarstva za privredu, a koji će biti objavljen na web stranici Vlade Kantona.

6. Na osnovu Izvještaja, Ministarstvo za privredu će predložiti Vladi Kantona donošenje Odluke o odobravanju troškova po svakoj fazi pojedinačno.

Vlada Kantona može opozvati donesene odluke, zavisno od dinamike priliva budžetskih sredstava tokom godine.

Na osnovu donesene Odluke o odobravanju poticaja, Ministarstvo za privredu će Ministarstvu finansija podnijeti Nalog za isplatu poticaja po svakom zahtjevu pojedinačno.

7. Javni poziv ostaje otvoren **30 dana**, a u razmatranje će se uzeti samo zahtjevi koji budu zaprimljeni na Protokolu Kantona najkasnije **do 25.05.2018.** godine do **16 sati**.

8. Zahtjeve za odobravanje subvencioniranja troškova po ovom poticaju, potencijalni poduzetnici-korisnici trebaju dostaviti na sljedeću adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA ZA ODOBRAVANJE I DODJELU POTICAJA
NAMIJENJENIH ZA SUBVENCIONIRANJE ADMINISTRATIVNIH TROŠKOVA KOD
POKRETANJA POSLOVNIH IDEJA I REGISTRACIJE PRIVREDNIH SUBJEKATA
Kučukovići br. 2
72 000 Zenica

Sva dodatna pitanja u vezi ovog Javnog poziva se mogu dostaviti putem elektronske pošte, najkasnije **7 dana** prije isteka roka za podnošenje prijave, **sa jasno naznačenim nazivom konkursa u predmetu poruke (subject:pokretanje poslovnih ideja)**, i to na sljedeću e-mail adresu min.privreda@zdk.ba.